



## GRADONAČELNIK

Broj: 07-984/26

Datum: 12.05.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. Stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-984/26 od 11.05.2026. godine za javnu nabavku radova: „Izdaci za rušenje bespravno izgrađenih objekata i drugo po nalogu inspektora“, d o n o s i:

### ODLUKU O IZBORU PONUĐAČA

#### I

Prihvata se preporuka Komisije, po Zapisniku broj: 07-984/26 od 11.05.2026. godine te se Ugovor za **javnu nabavku radova: „Izdaci za rušenje bespravno izgrađenih objekata i drugo po nalogu inspektora“** u ukupnom iznosu od **46.985,00 KM (cijena bez uračunatog PDV-a)**, odnosno u iznosu od **54.972,45 KM (cijena sa uračunatim PDV-om)** dodjeljuje ponuđaču **OR VERSO KOP, vl. Versudin Glotić, Srebrenik**, u skladu sa ponudom broj: *01/26 od 07.05.2026. godine.*

#### II

Izabrani ponuđač iz člana I ove Odluke, dužan je u roku od 7 dana od dana prijema iste, dostaviti dokaze po članu 45. stav (2) Zakona o javnim nabavkama iz tačke 3.1. Tenderske dokumentacije. Dokazi koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

#### III

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.



## O B R A Z L O Ž E N J E

Odlukom o pokretanju postupka za javnu nabavku radova: „Izdaci za rušenje bespravno izgrađenih objekata i drugo po nalogu inspektora“, broj: 07-984/26 od 10.04.2026. godine, pokrenut je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna procijenjena vrijednost nabavke iznosi 47.000,00 KM (bez PDV-ea).

Obavještenje o nabavci predmetnih radova objavljeno je na Portalu javnih nabavki dana 16.04.2026. godine pod brojem: 761-1-3-40-3-69/26 i sažetak obavještenja o nabavci, objavljen u „Službenom glasniku BiH“ broj: 29/26 dana 24.04.2026.godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljena je samo ponuda ponuđača OR VERSO KOP, vl. Versudin Glotić, Srebrenik, broj ponude: 01/26 od 07.05.2026. godine u iznosu od 46.985,00 KM (bez PDV-a).

Komisija je nakon pregledanja ponude utvrdila da je ista potpuna, prihvatljiva i pravilna, te da su dostavljeni dokazi traženi tenderskom dokumentacijom.

Računskom provjerom nije utvrđena računska greška.

Komisija je konstatovala da je ponuda ponuđača ponuđača OR VERSO KOP, vl. Versudin Glotić, Srebrenik za javnu nabavku radova: „Izdaci za rušenje bespravno izgrađenih objekata i drugo po nalogu inspektora“ u iznosu od 46.985,00 KM (cijena bez uračunatog PDV-a), odnosno u iznosu od 54.972,45 KM (cijena sa uračunatim PDV-om) ocijenjena kao prihvatljiva pa je predložila i Gradonačelniku prihvatanje ponude, a shodno članu 70. Zakona donošenje Odluke o izboru ponuđača OR VERSO KOP, vl. Versudin Glotić, Srebrenik za predmetne radove, te po ispunjenju uslova zaključenje ugovora u naprijed navedenom iznosu sa imenovanim ponuđačem.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.





**POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.



**GRADONAČELNIK**

Adnan Bjelić

**Dostavljeno:**

1. Ponuđaču 1x,
2. Službi za finansije i inspekcijski nadzor
- ③ Evidenciji
4. Budžetu
5. Arhivi

